

Datum: 12 Januarie 2018

UITNODIGING OM TE REGISTREER EN DEEL TE NEEM

AANSOEK OM UITSTEL VAN DIE MINIMUM EMISSIESTANDAARDE (MES) VIR ESKOM SE TUTUKA-STEENKOOKRAGSTASIE, STANDERTON, MPUMALANGA

Beste Belanghebbende en Geaffekteerde Party

Eskom bedryf 'n vloot brandstofkragstasies deur die hele Suid-Afrika. Die Tutuka-kragstasie, een van etlikes in die vloot, is naby Standerton in Mpumalanga geleë.

In 2010 is Minimum Emissiestandaard (MES) gepubliseer onder die Wet op Nasionale Omgewingsbestuur: Luggehalte (Wet No 39 van 2004) (NEM: AQA). In 2013 is die MES hersien en deur die MES van 2013 vervang. Daarna het die MES van 2013 gegeld. Die MES vereis van bestaande kragstasies om teen 1 April 2015 toegeeflike 'bestaande aanleg'-emissieperke en teen 1 April 2020 strenger 'nuwe aanleg'-emissieperke na te kom. Dit beteken dat Eskom bykomende emissiebeheertoerusting moet installeer of bestaande emissiebeheertoerusting by sy kragstasies, insluitende Tutuka, moet opgradeer om die MES na te kom.

In 2014 het Eskom aansoek gedoen om 5 jaar uitstel van nakomingstydraamwerke vir die Tutuka-kragstasie. Uitstel is deur die Departement van Omgewingsake toegestaan en verval in 2019. Met inagneming van die vervaldatum en die onvermoë van die kragstasie om die 'nuwe aanleg'-standaarde na te kom, moet Eskom aansoek doen om verdere uitstel van die nakomingstydraamwerke.

Eskom beplan om aansoek te doen om verdere uitstel van die nakomingstydraamwerke van die MES maar vir uitstel tot 2025 van die 'nuwe aanleg'-emissiepernakomingstydraamwerke.

Die aansoek sal ondersteun word deur:

- 'n motivering vir uitstel;
- 'n Atmosfeerimpakverslag (AIV) wat die impak van Tutuka op die omringende luggehalte in ag neem; en
- 'n afgehandelde openbare deelnemingsproses en gevolglike verslag.

Eskom het Naledzi Environmental Consultants CC as die onafhanklike omgewingskonsultasiegroep aangestel om die AIV voor te berei, die tegniese studies te bestuur en die openbare deelnemingsproses te hou.

Die openbare deelnemingsproses sal twee rondes van konsultasie behels. Die eerste ronde sal 'n geleentheid bied om 'n Agtergrondinligtingsdokument (AID) te besigtig en kommentaar te lewer op die benadering tot die voorbereiding van die aansoek, insluitende bywoning van openbare vergaderinge. Gedurende die tweede ronde sal die aansoek self en die AIV aan die publiek beskikbaar gestel word vir openbare besigtiging en nog 'n ronde openbare vergaderinge insluit by dieselfde openbare plekke as wat vir die eerste ronde van kontak gebruik is.

Ons stel belanghebbende en geaffekteerde partye (B&GP's) hiermee in kennis van die voorgestelde aansoek om hulle menings en kommentaar oor die aansoek te vra. Hierdie brief dien as kennisgewing hiervan en ons vestig u aandag op die volgende:

- 'n Uitnodiging om as 'n belanghebbende en geaffekteerde party (B&GP) te registreer
- Die beskikbaarheid van 'n AID vir kommentaar
- Kennisgewing van 'n openbare vergadering

Registreer as 'n B&GP

U word hiermee genooi om as 'n B&GP te registreer en aan die aansoekproses deel te neem deur die ingeslote Kommentaar-en-Registrasievorm wat by die aangehegte AID ingesluit is, in te vul.

Agtergrondinligtingsdokument (AID) beskikbaar vir publieke besigtiging

Die ingeslote AID voorsien besonderhede oor die uitstelaansoek. Dit bied 'n kort oorsig van Eskom se redenasie oor die Tutuka-uitstelaansoek en nooi B&GP's om aan die aansoekproses deel te neem en daarvoor te registreer. 'n Tydperk van 30 dae, vanaf 15 Januarie tot 14 Februarie 2018 word toegelaat om die AID te besigtig en om kommentaar en kwellinge ten opsigte van die uitstelaansoek in te dien.

Die AID en gepaardgaande Kommentaar-en-Registrasievorm is in Engels, Afrikaans en Zulu beskikbaar vir openbare kommentaar by die Naledzi-webwerf by www.naledzi.co.za. Afskrifte van die AID is ook beskikbaar by die openbare plekke wat hieronder aangegee word:

Plek	Adres	Kontakpersoon	Besigtigingstye
Standerton-openbare biblioteek	Mbonani Mayiselastraat Standerton	Me Elizabeth Mpanya Tel: 017 712 9687 E-pos: standertonpubliclibrary@gmail.com	08:30 – 17:00
Thuthukani-openbare biblioteek	Kamer Nr. 3 Thusong-dienssentrum N-blok New Denmark Building Hostel, Malungisaniryalaan Thuthukani	Mnr Andile Mbatha Tel: 071 593 7996 E-pos: publiclibrary55@gmail.com ;	08:30 – 15:30
Morgenzon-openbare biblioteek	Morgenzon Steynstraat 464	Me Zodwa Ndlovu Tel: 017 793 3177 E-pos: morgenzon.library@gmail.com ;	07:00 – 16:15

As u op die AID wil kommentaar lewer, kan u:

- die ingeslote Kommentaar-en-Registrasievorm invul en by die kontakpersoon by die besonderhede hieronder indien;
- u naam, kontakinligting en belangstelling telefonies bekendmaak; en/of
- skriftelike kommentaar per e-pos of faks binne die toegelate openbare registrasie- en oorsigtydperk indien.

Dien asseblief u naam, kontakinligting en belangstelling in die saak by me Marissa Botha in by die volgende besonderhede; Tel: 015 296 3988 / 084 226 5584 of stuur u kommentaar per e-pos aan ons by botham@naledzi.co.za of per faksnommer 015 296 4021.

Uitnodiging na openbare vergadering

U word ook genooi om **openbare vergaderinge** vir die projek by te woon as volg:

- **29 Januarie 2018** vanaf **5:30nm tot 7:30nm** by die **Standerton Stadsaal te 16 Kerk Straat in Standerton**; of op
- **30 Januaries 2018** vanaf **5:30nm tot 7:30nm** by die **AFM Lefikeng Assembly/Kerk te Thuthukani**.

'n Herinnering oor hoe u kan deelneem:


U kan:

- As 'n B&GP registreer op of voor 14 Februarie 2018;
- Enige kommentaar/mening oor die projek op die Kommentaar-en-Registrasievorm wat voorsien is, indien op of voor 14 Februarie 2018;
- Enige ander partye/belanghebbers wat u dink moontlik geaffekteer word deur of belangstel in die projek in kennis stel deur hulle aan te spoor om te registreer; en
- Enige van die openbare vergaderinge wat vir die projek gereël is, bywoon.

Let asseblief daarop dat die besonderhede vir die 2^e ronde van openbare betrokkenheid later met belanghebbende en geaffekteerde partye (B&GP's) gekommunikeer sal word.

Dankie by voorbaat vir u deelname.

Die uwe



Marissa Botha

namens **Naledzi Environmental Consultants CC**

Fisiese adres: Thabo Mbekistraat 145, Faunapark, Polokwane, 0700

Posadres: Suite #320, Postnet Library Gardens, Privaat sak X 9307, Polokwane, 0700

Tel: 015 296 3988 Faks: 015 296 4021 Sel: 084 226 5584

E-pos: botham@naledzi.co.za